

Bosna i Hercegovina
Federacija Bosne i Hercegovine
Hercegovacko-neretvanski kanton
GRAD MOSTAR

Odjel za organizaciju, pravne poslove, opću upravu, civilnu zaštitu i vatrogastvo

Broj: 04-04-8060/21
Datum: 04.06.2021.god

Gradonačelnik
Mario Kordić

Predmet: smjernice za aktivnost na normativnom uređenju mjesne samouprave-traze se

Programom rada Gradskog vijeća za 2021.godinu („Službeni glasnik Grada Mostara“ broj 5/21) planirano je donošenje Odluke pod nazivom „Odluka o mreži mjesnih zajednica u Gradu Mostaru“, pod rednim brojem 85 Programa.

Zakon o principima lokalne samouprave („Službene novine Federacije B i H“ br: 49/06 i 51/09) u daljem tekstu (Zakon) između ostalog reguliše i osnovne postavke o organizaciji mjesne samouprave i buduće organiziranje mjesne samouprave, koje mora biti u skladu sa tim Zakonom.

Članom 24. Zakona propisano je da se mjesna samouprava u jedinici lokalne samouprave ostvaruje u mjesnoj zajednici kao obaveznom obliku mjesne samouprave, koju osniva vijeće, te gradskim četvrtima i drugim oblicima mjesne samouprave, u skladu sa Statutom jedinice lokalne samouprave, a to je za Grad Mostar Statut Grada Mostara.

Članom 26. Zakona propisano je da se mjesna zajednica osniva na način i u postupku utvrđenom u Statutu jedinice lokalne samouprave u kojoj se osniva mjesna zajednica.

Svako normativno uređivanje oblasti mjesne samouprave zahtijeva prvenstveno usvajanje Statuta Grada Mostar te njegove dopune osnovnim principima organizacije mjesne samouprave u skladu sa Zakonom, koji bi tako uskladen bio osnov za donošenje Odluke o osnivanju, mjesnih zajednica.

Zakon je propisao da su jedinice lokalne samouprave dužne da usklade svoje statute sa Zakonom u roku od 12 mjeseci od dana njegovog stupanja na snagu.

U navedenu svrhu bile bi potrebne dopune Statuta Grada Mostara kako slijedi:

Mjesna Samouprava

IFAZA

1. Dopune Statuta Grada Mostara (u dijelu koji se odnosi na mjesnu samoupravu u skladu s Zakonom o principima lokalne samouprave „Službene novine F BiH“ broj 49/06 i 51/09) u Statutu Grada treba predvidjeti odredbe o tome:

- koji su to oblasti mjesne samouprave u Gradu Mostaru, samo generalno (za koja naseljena mjesta se osnivaju, mreža MZ može se propisati odlukom o organizaciji)
- kako se osnivaju ti oblasti (mjesne zajednice i gradske četvrti) što sadrži odluka o osnivaju (samo generalno reći da se MZ osnivaju odlukom)
- o kojim poslovima gradani odlučuju u mjesnoj zajednici (član 25 Zakona)
- ko može pokrenuti inicijativu za osnivanje mjesne zajednice (član 26 stav 2 Zakona)
- da mjesna zajednica ima svojstvo pravnog lica i da ima svoj statut
- ugraditi odredbu člana 29 Zakona, obavezno konsultovanje MZ o pitanjima o kojim vijeće donosi odluke dvotrećinskom većinom
- kako će Gradsko vijeće vršiti nadzor nad radom organa MZ

U Statut Grada Mostara trebalo bi ugraditi 7 odredbi o mjesnoj samoupravi

II FAZA

2. Donošenje Odluke o osnivanju mjesne zajednice ili svih MZ na području Grada Mostara, kojom se propisuje:

- naziv,
- sjedište,
- područje mjesne zajednice, mjesna područja (odnosno drugi dijelovi mjesne zajednice)
- kao i druga pitanja u vezi sa osnivanjem mjesne zajednice
- povjerenje vršenja poslova iz izvornog djelokruga lokalne samouprave
- jedan ili više MZ

III FAZA

3. Donošenje modela Statuta mjesne zajednice

Također napominjemo da je na federalnom nivou urađen nacrt o izmjenama i dopunama Zakona o principima lokalne samouprave, kojim je predviđen drugačiji način uređenja određenih segmenata mjesne samouprave.

U skladu s prethodno navedenim tražimo da Kolegij Gradskog vijeća da smjernice za dalju aktivnost na normativnom uređenju oblasti mjesne samouprave.

S poštovanjem


 Predrag Supljeglav
 Načelnik



Dostavljeno:
 1. Naslovu
 2. Služba za opću upravu i gradska područja
 3. a/a